



**TOKIO MARINE**  
INSURANCE GROUP

Lembaran Fakta

# Polisi Insurans Liabiliti Majikan

## Perlindungan

Polisi ini mengindemniti anda ke atas liabiliti undang-undang untuk membayar pampasan kepada pekerja anda termasuk kos dan perbelanjaan berhubung dengan kecederaan anggota akibat kemalangan atau penyakit yang timbul dari dan di dalam tempoh penggajian tersebut. Tambahan lagi, dengan persetujuan bertulis daripada pihak kami, pihak kami akan membayar semua kos dan perbelanjaan yang ditanggung untuk mempertahankan mana-mana tuntutan.

## Had Indemniti

Had *Common Law* ditetapkan dalam jadual polisi anda adalah untuk mana-mana satu tuntutan atau tuntutan-tuntutan dalam mana-mana satu tempoh insurans.

## Pengecualian utama

Polisi ini tidak melindungi mana-mana liabiliti langsung atau tidak langsung yang disebabkan oleh atau timbul dari:

- Kakitangan bagi kontraktor anda
- Liabiliti tertanggung di bawah mana-mana perjanjian
- Mana-mana kecederaan akibat kemalangan atau penyakit yang dialami di luar kawasan geografi
- Liabiliti disebabkan oleh Undang-undang Pampasan Pekerja
- Perang, Perang Saudara dan risiko berkaitannya
- Mana-mana tindakan keganasan
- Risiko radioaktif dan tenaga nuklear
- Sindrom Toksik Protein Lateks
- Risiko berkaitan dengan asbestos

## Syarat-syarat utama

- Anda dikehendaki mengambil langkah-langkah yang munasabah untuk mencegah kemalangan dan penyakit dan mematuhi semua undang-undang berkanun
- Anda tidak harus mengakui, menawar, berjanji atau membayar pihak menuntut tanpa persetujuan bertulis daripada pihak kami

## Kewajiban pendedahan

Anda dikehendaki mendedahkan semua fakta material yang anda tahu atau harus tahu; jika tidak, polisi ini akan dianggap tidak sah.

## Sumbangan

Jika pada masa mana-mana kerugian atau kerosakan berlaku, terdapat mana-mana insurans lain yang masih berkuatkuasa atau insurans kepunyaan anda yang memberi perlindungan sama, maka pihak kami tidak bertanggungjawab untuk membayar atau menyumbang melebihi perkadaran setimpal bagi kerugian atau kerosakan sedemikian.

## Lebihan

Merupakan amaun kerugian yang harus ditanggung anda sendiri untuk setiap tuntutan.

## Bayaran Premium

- Premium mesti dibayar kepada ejen kami atau secara terus kepada pihak kami dalam tempoh 60 hari dari tarikh polisi ini mula berkuatkuasa.
- Bayaran boleh dibuat sama ada dengan tunai, kad kredit atau cek (cek hendaklah dibayar atas nama **Tokio Marine Insurans (M) Berhad**).
- Tegas untuk meminta resit bagi premium yang dibayar.
- Hubungi pihak kami jika polisi anda tidak diterima selepas satu bulan dari tarikh pembelian.

## APAKAH YANG HARUS ANDA LAKUKAN Jika Berlakunya Kerugian/Kerosakan

### Pemberitahuan tuntutan

- Anda harus memberitahu pihak kami secara bertulis mengenai semua butiran tentang kejadian/kemalangan secepat mungkin dalam lingkungan masa yang ditetapkan dalam polisi anda. Anda dikehendaki membuat pemberitahuan seawal mungkin bagi mengelakkan sebarang prasangka terhadap tuntutan anda. Jika berlakunya kematian atau kemalangan yang melibatkan kenderaan bermotor, anda dikehendaki membuat laporan polis dengan serta-merta.

### Pengemukakan tuntutan

- Anda harus mengemukakan tuntutan anda dengan melampirkan semua informasi dan dokumen sokongan seperti yang diminta oleh pihak kami dengan secepat mungkin. Jika ajuster/penyiasat dilantik oleh pihak kami, maka anda dikehendaki memberi kerjasama sepenuhnya kepada mereka dalam proses penilaian kami terhadap tuntutan anda.

### Kewajipan untuk mendedahkan informasi tuntutan

- Anda dikehendaki memberi jawapan secara jujur dalam Borang Tuntutan kerana sebarang pernyataan salah atau penyembunyian boleh memudaratkan tuntutan anda.

## BAGAIMANA MENGEMUKAKAN Aduan Dan Jalan Penyelesaian Yang Ada



#### Tulis kepada :

1. Pusat Hubungan Bersepadu Bank Negara Malaysia melalui [bnmtelelink@bnm.gov.my](mailto:bnmtelelink@bnm.gov.my), atau
2. pengantara insurans Ombudsman Perkhidmatan Kewangan.

Sebagai alternatif, anda boleh melawat terus ke kaunter BNMLINK untuk menfailkan aduan anda (sila rujuk kepada [www.bnm.gov.my/bnmlink/index.htm](http://www.bnm.gov.my/bnmlink/index.htm)) atau anda boleh membawa kes anda ke mahkamah.

Untuk maklumat lanjut mengenai Tokio Marine dan produk dan perkhidmatan kami, sila layari laman web kami [www.tokiomarine.com.my](http://www.tokiomarine.com.my).

Tokio Marine Insurans (Malaysia) Berhad dilesenkan di bawah Akta Perkhidmatan Kewangan 2013 dan dikawalselia oleh Bank Negara Malaysia.